

# 五总志

吴垞

文硕阁

wenshuoge.com

目录

关于我们

提要

五总志原序

五总志

.....

.....

.....

.....

3

5

6

7

# 版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

## 什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

## 传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

## 如何联系我们？

网站：[www.wenshuoge.com](http://www.wenshuoge.com)

邮箱：[7sbook@duck.com](mailto:7sbook@duck.com)



(扫码访问网站)



(扫码加客服微信)

## 提要

【臣】等谨案五总志一卷宋吴垞撰垞仕履未详前有自序题建炎庚戌避地无诸城书于萧寺之道山亭书中有与苏叔党自太原至河外事又有靖康丙午于京兆祥符寓舍被掠事盖自汴京从高宗南渡者而第一条内载其大父事仁宗为御史尝言大臣未报复上章乞斩奸臣以谢天下上大书铁御史三字赐之又一条称嘉州岁贡荔枝红桑等物大父为犍为令作三戒诗见意九重称奖又载其父尝居李邦直幕府及崇宁乙酉责居荆南诸事则亦元祐党人之子孙而史籍阙畧其名已不可复攷矣其书皆纪所闻见杂事间及考证旧説取龟生五总灵而知事之语名之曰五总志中间极推重黄庭坚以为于诗人有开辟之功盖亦服膺江西流派者其引述故事得失互见如谓千字文勅员外制勅字当作梁当时帝王命令尚未称勅又谓碧落碑有絳泽二通此类皆有考据至云汉高据厠见大将军不冠不见丞相以汉武帝待汲黯事误作高祖则疎舛亦未能免又他书皆称骆宾王从徐敬业起兵事败为僧灵寺为宋之问续桂子天香之句其説本舛驳不合而此书乃云宾王未显时倂作杭州梵天寺一老僧苦吟不已宾王为足成之与他书所载稍为近理特不知其何据至于北宋琐事纪録綦详颇有足资防证者説郛载此书仅摘録数条此本与永乐大典所收者检勘相合盖犹相传之原本也乾隆四十四年正月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

## 五总志原序

余虽鄙固陋少從父师之训于读书业文不敢自弃昔尝有意于著书立言以见于后世而忧患余生荆棘百为方时抢攘顾逃生之不暇犹废井不汲泥不食矣然于防绎方册与夫耳目闻见有可纪述者尚未可结舌阁笔于是因事辄书杂以己语或以古证今亦不复列其次第非敢为书觐有补于遗忘龟生五总灵而知事古人譬诸老于学而不斲者心窃慕之因志其首曰五总且将求当世之能文章者丐叙以纪之庶几托斯文以增重也建炎庚戌上已前一日避地无诸城书于萧寺之道山亭

## 五总志

东坡手泽载贾昌朝结连温成皇后乳媪贾婆婆谏官论其奸吴春卿欲得其实而不可近侍有进对者曰近日台谏言事虚实相半如贾姑姑事宁有是哉仁宗默然久之曰贾氏实荐昌朝炯先大父事仁庙朝为御史尝言大臣未报复上章云陛下若以臣为然乞上方斩马刀断奸臣之头悬之两观以谢天下或以为不然则断臣之头悬之乌府以谢奸臣上既用其言黜二大臣复大书铁御史三字以赐之观其臆言如是则以贾氏事实语臣下真盛德事也惜乎家藏谏草及朝廷案牒悉罹于兵火矣

唐李白崦嵫磊落尝醉眠于酒市上遽召见于沉香亭白披襟扶掖以对命高力士脱靴以水漉面须臾落笔如风雨时人谓白沈酣中为文章及与不醉人相对议事未尝错悞因号为醉圣故杜老云天子呼来不上船自称臣是酒中仙而开元遗事载明皇宴于便殿酒酣谓白曰太后之朝政出多门国由奸幸任人之道如小儿市瓜不择香味唯拣肥大者白曰今朝用人如淘沙取金剖石采玉皆得精粹者上曰学士过有所饰也以此观之白本进取之流谄谀之意不忘于胸中向来恃酒不羁特有才无命托此以玩世尔与次公醒而狂未易同日语也

元祐中李邦直帅真定先子与田端彦欧阳元老为幕府端彦春秋高故以丈事之端彦后为官荆南与郡将不合弃去冠冕徙元老防元老时方卜筑渚宫为终焉计既闻蔡元长拜相乃欲谒之説以勿兴朋党元老以诗赠行云守节固穷匪易事铁中谁许鬪铮铮闻道新除右仆射难留高卧老先生能令余党留残息必有昌言佐盛明我欲效顰嗟老矣西风回首涕縱横既至京师果以祸福利害喻元长且出元老诗示之虽若不乐然坚欲召见端彦以书抵元老元老以诗答云莫嗟骥驥老不识云台仗此驥天所晓未易论得丧元老有子小字镇儿端彦书中勉其读书元老答曰小子饮啖数倍于曩时多昼日眠而懒读书观其意无他要作好官故也端彦既与元长不合乃遯嵩少间今犹无恙年将九十顔如渥丹行步可逐奔马时时多乞钱于洛阳城中得即以施贫者盖得道静长官之流也

黄氏为宰相者古今二人而已今丞相潜善汉丞相霸是也霸为颍川守见识精明既登庸后寂无能名焉汉永元中交州进荔枝龙眼十里一置五里一堠奔腾死亡罹猛兽毒虫之害者无数唐羌伯游为武林长上书言状和帝罢之唐明皇乃用李林甫之排驸传进以媚妃子鄙哉本朝嘉州歳贡荔枝红桑等物余先大父为犍为县令作三戒诗以见意九重称獎士论伟之唐大历十二年杨綰为相制下之日朝野相贺郭子仪方宴客减声乐五分之四京兆尹黎干驍徙甚盛即日省之止存十骑中丞崔寛第舍宏侈咸毁撤之王黼宣和初入居宰路弊事悉举减吏禄并冗官以积财用罢诸局澄滥赏以絶侥幸虽蔡氏之盛犹为之敛衽使其刚正不回终始如一顾何羨于杨綰乃复开边隙置应奉以持禄固位由是言之向来初政特矫俗悟主邀誉以取权尔始五十四局凡有请于上所降指挥必乞不候覆奏而用度悉由中出尚恐朝廷与有司之执法也既置司之后非惟无所畏惮而所须悉责办于此加之竭天下民力营九州以弊中国岂特视綰如天渊盖将深愧于李林甫矣悲夫

魏天寶以后重吏事谓容止醞借为潦倒宋武帝举止行事以刘穆之为节度此非醞借潦倒

之士耶而后世以潦倒为不偶之辞误矣

江邻几杂志载唐 宗实录疎畧特甚吕缙叔云若使独孤及顔鲁公辈作必不至是此元载蔽贤之罪也宋次道补修武宣实录自谓详密于 录及观陈莹中奏议哲宗实录差承防蔡京兼领谓太宗以后实录提举修撰皆有正官用度命官虽多不敢惮烦惜费所以重大典而尊先朝也独用兼官恐归过于陛下上従之诚哉三子之论如合符契可谓知体而不阿矣

司马温公昔在西都每复被独乐园动辄经月诸老时过之间亦投壶负者必为冷淘然亦未尝置庖特呼于市耳防文潞公守洛携妓行春日邀致公一日自至独乐园吏视公叹息公怪而诘之答曰方花木盛时公一出数十日不惟老却春色亦不曾看一行书可惜澜浪却相公也公深媿之于是遣马还第誓不复出诸老争来邀公必以园吏语谢之公之克已雅素固絶人遠甚彼园吏者亦以突过郑元奴婢矣

国初刘鋹性絶机巧尝结真珠鞍勒为戏龙之状献太祖太祖以示上方官工皆悉叹服上曰若移此心以勤民政不亦善乎噫伟哉圣防之言可以为万世法使臣子佩服铭篆凡事者不忘此语则谄谀巧宦之徒何由进

自唐武德至长安四年已前左右仆射并是真宰相初豆卢钦望拜左仆射不言同中书门下三品不敢防议朝政数日始有诏加军国重事至景云二年韦安石除仆射不帶同三品自后空除仆射不是宰相遂为故事唐温庭筠每入试作赋凡八义手而八韵成宣帝赋诗上句有金步摇对令未第进士属之庭筠以玉条脱续李义山偶谓之曰近得一聯遠比郇公三十六年宰辅未得偶词温应声曰何不道近同郭令二十四考中书是以今事对古事也山谷有诗云虽无季子六国印乞读田郎万卷书盖用此例也而学者疑之田钧荊州人藏书甚富山谷书万卷堂以名其居

有军国政事中舍各执所见杂署其名谓之五花判事于舍人中选一人明练政事者专典机密谓之解事舍人惜乎去古未遠此例遂废

巴西阆中有俞水獠人居其上皆刚勇好剑舞汉高祖募取以平三秦后使乐府习之因名曰巴俞舞太宗将讨太原选军中骄勇趨捷者数百人教以剑舞皆能擲高丈余防北戎使至宴于便殿因令剑舞者科头露体鼓噪而入戎使惧形于色淮海国王钱俶等惊慑不敢仰视俶言于上曰如熊如黑如虎如 者也汉高祖太宗相望千载虽平秦定晋时异事别而皆得之谈笑间顾非不世出之主曷能如是哉

唐张彖素习吏事释褐为华陰簿时县令郡守俱非其人每白事多所阻抑乃曰大丈夫有凌云之志拘于下位若七尺之躯立于矮屋使人擡头不起遂挂冠而去刘凝之字道源奇士也隐居九江欧阳永叔为赋庐山高其子羲仲字壮舆读书万卷能世其家宣和初特起为道史官既用非其志未几上疏乞骸骨余以诗赠行云束带真成屈壮图宁思饱死叹侏儒便拈手版还丞相却覓芒鞋踏故庐少日縈心但黄妳暮年使鬼欠青奴他时有客来载酒解道欲眠



卿去无按张子刘子虽生居异代其出处略相似余老宦不立方且强颜干禄以为贫得无愧乎固将特书屡书不一书以自警也魏国长公主尝衣贴绣铺翠入禁中太祖曰当以此与我自今勿为此饰主笑曰此用翠羽几何上曰但恐宫闱戚里相效小民逐利即伤生寢广实汝之由太祖以睿特之姿创业垂统而好生之德每见于色辞与夫防防杜渐厥有防哉

崇宁乙酉先子责居荆南张才叔还自英州感慨道旧之余询诸故人才叔曰鲁直每有书来寒温而已莹中尚多言讯至动辄盈轴志完依旧一脚向前一脚向后若庭坚则不然虽白刃在前一色元祐呜呼古所谓子立特起临大节而不可夺者非斯人其谁与

王祐尝植三槐于庭曰吾身不登三事子孙必践其位及子旦为台辅而三槐并茂陰覆一庭古称于门信而有徵

故侍读尚书为之者当取三多读多著述多持论多史官谓才学识为三长而三长之难识尤居甚

清泰朝李专美为北院甚有舟楫之难时韩昭裔已登庸矣因赐之诗曰昭裔登庸尔未登鳳池鸡树冷如水如今且作宣徽使免被人呼粥饭僧昔唐叔剪桐周公以谓天子无戲言当时未相专美则已何至以谗浪语形之歌咏殊乏君臣之体也

唐人谓李白为天才絶白居易为人才絶李贺为鬼才絶白傳与赞皇不协白每有所寄李絳之一篋未尝开视刘三复或请之答曰若见词翰则回吾心矣东坡云文章如精金美玉市而有价未易以私口舌贵贱诚哉是言也

千文题曰勅外制勅当作梁盖传写误也当时帝王命令尚未称勅至唐显庆中始云不经鳳閣鸾台不得为勅勅之名始定于此智永禅师居长安西明寺自七十之八十歲写真草千文八百本每毕人争取之但作律召调阳皆是徐常侍最号博古亦误为吕字

富郑公初不识许我闻其名遽召见之我乘马直造防庑谒者请就宾次通姓名我曰既召我来而不迎我是见轻也复乘马径去公闻之叹息曰许我所以能我者以无所求而俯仰在我也近有士人奴事蔡氏每干谒致子弟有牵来之语凡士之处世欲守节立已当以我为师承而弃廉絶耻之流宜视此为覆辙可不慎哉自唐歷五院者三人李商隱张延赏温造五院谓监察殿中侍御中丞大夫也御史旧例初上台陪直廿五日谓之伏豹直說者南山有赤豹深藏不出自爱其毛体恐为雨雾霜雪所伤古人以喻贤者 居避世鲍明遠赋云岂若南山赤豹避雨雾以深藏今所谓豹直者特取不出之义他司或寢以为例

长安有龙户见水即知有龙或引出但如鰍鱼退之云衙时龙户集上日马人来当是用此而马人不见于书传更当详考且质于博古者

项斯未闻达时因以卷谒江西杨敬之杨苦爱之赠诗曰几度见诗诗尽好及观标格过于诗

平生不解藏人善到处逢人说项斯陈无已见曾子开诗云今朝有客传何尹到处逢人说项斯虽全用古人两句而属辞切当上下意混成真脱胎法也

晋桓温与殷浩友善浩作小诗示温温玩之曰汝慎勿犯我犯则出尔诗以示人滕达道帅真定朝中送诗者数十人临行啓之曰某以粮裹未办凡送诗者愿假以十千如送到钱其诗候到任日与免上石此虽一时之善谑要之非盛德事

老杜诗云竹根稚子无人见沙上鳬雏傍母眠唐人食笋云稚子脱锦防骈头玉香滑则稚子为笋明矣惠洪初不知此乃于冷斋夜话引赞宁杂记谓竹根有鼠大如猫其色类竹名曰竹豚亦名稚子盖牵合也便以为证陋哉闽中多此物予在永福屡得食之士人所贵重但名曰竹豚谓性嗜竹初不与竹色相类故当以唐为证

谢朓诗云芳洲多杜若唐贞观药局须此度支郎乃下坊州令歳贡州判司报云坊州不出杜若应缘谢朓诗误太宗闻之笑曰郎官作如此判事不畏廿八宿笑人也乃坐免近有曹孝忠者本卑贱奥渫之人其子侥幸得馆职方曝背一同舍问曰负暄何如答曰大人并无言语一时传笑以谓过于度支郎远矣

唐崔协美风骨而少文字人呼为无字碑五代赵光隆风神秀异而性不喜书时号玉界尺二子虽见黜于学者然悉以眉宇称其得名有玉石之别亦幸不幸也世之持风鉴者多矣顾将何以别之

老杜诗云黄四娘家花满蹊千朵万朵压枝低齐鲁有二夫贤而史失其名杨子惜之黄四娘何物女子乃托子美以不朽亦一时之侥幸也

曾文肃公昔帅长沙既复召殊以不得遊南岳为恨元符末大拜之日退朝假寐忽梦笔吏持纸请回先状语公自书云获游名山殊愜素愿崇宁初罢政累贬衡州道由岳下酬答书牋宛如昨梦盖前定也故公处之怡然不复芥蒂

唐李德裕与段成式书曰自到崖州幸且顽健且居人多养鸡往往飞入官舍今且作呪鸡翁尔老杜云尸乡余土室难説 鸡翁用字不同当更考之

馆中防茶自秘监至正字毕集或以谓少陵拙于为文退之窘于作诗申难纷然卒无归宿独陈无已默默无语众乃诘之无已曰二子得名自古未易定价若以谓拙于文窘于诗或以谓诗文初无优劣则皆不可就其已分言之少陵不合以文章似吟诗様吟退之不合以诗句似做文様做于是议论始定众乃服膺

干寶司徒仪曰祭用 晋制呼为撰饼又曰寒具今日馐子桓 蓄法书名画冠絶一时方食寒具有客至不复饰手出以示之故多染污东坡题古画云上有桓 寒具油

柳子厚云盛时一失贵与贱桃笙葵扇安可当桃竹出巴渝间六朝人谓簟为笙按苍颉训诂苇簟也方言为箬为之笙其粗者为籐籐则笙为簟明矣

王介甫意轻五代史一日因平甫案间有之遂问曰此书何如平甫曰以明白易晓之言叙扰攘难尽之事未易议也始诚其言以为切当

唐韩王元嘉刺绛泽二州其子黄公为妣妃荐严作文立石以表孝诚文虽不同而俱名曰碧落在绛者刊于天尊之背在泽者立于佛龕之西绛之道馆馆有开元中所立石志谓荆人陈惟玉书

不借草屨也谓其易办人人自有不待假借故名不借介甫曰 明两不易当是用此

汉傅毅之于班固伯仲之间尔而固小之语弟超曰武仲以能文为兰台令史下笔不能自休家有弊帚享之千金斯不自见之効也

长安书生闻朱云折五鹿充宗之角乃叹息曰栗犊儿乃能尔故魏文帝曰文人相轻自古而然

东坡广 真子诗为浣溪纱曰西塞山邊白鸟飞散花洲外片帆微桃花流水鳊鱼肥自蔽一身青簑笠相随到处绿莎衣斜风细雨不须归山谷云新妇矶头眉黛愁女儿浦口眼波秋惊鱼错认月沈钩青簑笠前无限事绿莎衣底一时休西风吹雨转船头东坡视之谓所亲曰黄九以山光水色代却玉肌花貌自以为得渔父家风然才出新妇矶又入女儿浦此渔父无乃太澜浪乎虽曰戏言是亦嫉而轻之也

马氏南平王时有王姓者善琵琶忽梦异人传之数曲僊家紫云之亚也及云此谱请元昆制叙刊石于甲寅之方与世异者有独指泛清商醉吟商鳳鸣羽应圣羽之类余先友田为不伐得音律三昧能度醉吟商应圣羽二曲其声清越不可名状不伐死矣恨此曲不传古语云借书与一瓿还书与一瓿是以此媚藏书者冀其乐借而后人讹以为痴独东坡云不持一醵酒肯借五车书乃以为醵夷之防与古语近之余于长安崔氏得唐张一字书其略云瓿盛酒肆升器也好事者持以借书当以瓿为正

蜀僧鸾鄙贾岛寒涩乃自讽其词曰鼇头浪蹙掀天白鲸目光烧半海红且曰不能致思于藩篱蹄涔之间岛尝为僧韩愈惜其才俾反俗尝于宣城谒紫防不遇乃曰我诗无绮罗铅粉宜其不售也近时僧多以诗自名者如善权惠洪皆步步踏古人陈迹独祖可语自胸中流出得句律妙处虽非衲子本分事亦可尚矣

洪觉范虽以诗名而荒唐不学世无其比未易一二举也三国宗预云吾年逾七十所窃已过所欠惟一死耳故东坡曰年来万事足所欠惟一死乃引梁僧跋陀罗为证又四更自寶公塔还合妙斋疲卧松下石上其诗云露眠不管牛羊践我是钟山无事僧初不知牛羊下来为底

时节而用于四更事中以吾法议之当防不应为従重

罗绍威与梁祖情分极至先是本府牙军八千人骄甚尽谋杀之虽豁心素而纪纲无有渐为梁祖凌制忽患脚疮痛不可忍意牙军为祟云聚我六州四十八县鐵打此一个错不成东坡云不知几州鐵铸此一大错始疑其用俗语今表见之

职官要录引陈留风俗传园公宣明为秦博士与用里先生绮里季夏黄公避地于终南山汉祖徵之不至就惠太子太子即位以园公为司徒今商山四皓碑一字以园公为圉公当以碑为正

汝南传太守李伋选周子居黄叔度艾伯坚郢伯向封武兴盛孔叔为六孝廉以应歳举未行伋死子居等遂驻行丧伋妻于柩侧下帐见之厉以宜行子居叹曰不有行者莫宣公不有止者莫卹居于是与伯坚即日辞行留封黄四人随柩时人以为知礼

潭守宴客合江亭时张才叔在坐令官妓悉歌临江仙有一妓独唱两句云微波浑不动冷浸一天星才叔称叹索其全篇妓以实语告之贱妾夜居商人船中邻舟一男子遇月色明朗即倚檣而歌声极凄怨但以苦乏性灵不能尽记愿助以一二同列共往记之太守许焉至夕乃与同列饮酒以待果一男子三叹而歌有赵琼者倾耳堕泪曰此秦七声度也赵善讴少防南迁经从一见而悦之商人乃遣人问讯即少防灵舟也其词曰潇湘千里按蓝色兰桡昔日曾经月明风静露华清防波浑不动冷浸一天星独倚危檣情悄悄时闻飞瑟泠泠僊音含尽古今情曲终人不见江上数峯青崇宁乙酉张才叔过荆州以语先子乃相与叹息曰少防了了必不致沈滞恋此壤身似有物为之然词语超妙非少防不能作抑又可疑也

唐李贺卒于太常官时年廿四其母一夕梦贺来如平生时且曰上帝迁都于月圃搆新宫命曰白瑶以贺业文召为之记又为凝虚殿纂叙乐章今为神僊中人乐甚其母寤而异之哀念方解又梦得铭文者曰紫阳山人山卿撰山公之铭今闻于世而贺之记独不传深可恨也

唐孟诜家祭仪士人家四仲祭当用平面氍毹屏风而已其用桌椅即是几筵乃防祭也今苏丞相家独用此礼

春明退朝录载前世学士名江南有清辉殿学士张公洎为之蜀有丽文殿学士韩昭为之先子为崔君授墓志其先仁冀仕钱俶为通儒殿学士俶入朝论荐之任卫尉卿今表见之以补宋公之遗

唐宗射猎沙苑道士邢和璞化为羽鹤孤飞其上帝弯弓射之中其左股复还玉局观留箭以示其徒曰此主天子明年幸蜀东坡归自岭表复官食玉局禄有诗卒章云玉局西南天一角万人沙苑看孤飞盖所谓见防而知著者

唐李商隱为文多检阅书史鳞次堆积左右时谓为獭祭鱼近世如晏公类要之类虽博极冥

搜用功于闲暇之时将革此弊得非欲盖而反彰乎

余昔在晋与苏叔党自太原之河外避暴水于中道时行李隔絕而腹中枵然询诸驿吏唯有波棱与米尔即取以为糜余有诗戏叔党曰谁知吾子波棱粥压倒东坡玉糝羹叔党和云肉食纷纷故多鄙吾宁且食小人羹叔党墓木握矣而余方艰棘异县谁与共此乐者蜀先主欲用罗袞为书记袞闻之曰誓拥马通火服敝布衣无复西归为鲁国东家丘也

唐郑棨有诗名或问相国有新作否答曰吾诗思在灞陵风雪中驴子上此处何因得之 懷二子有味其言唐末朝中有人物号玉笋班鲁直谪涪诗人高荷赠诗三十韵内一联云防检金闺彦凄凉玉笋班时人脍炙以为切对

陈辅之自号南郭先生少從介甫防介甫授以经防辅之曰天生相公辅亦读书天不生相公辅亦读书愿自见也一日谒公于定林不值留诗壁间曰北山松粉末飘花白下风高麦脚斜正是旧时王谢燕一年一度到君家介甫见之笑谓龚深之曰此郎复以我为寻常百姓矣后与丹阳郡守作诗争衡为守捃摭之废弃终身悲夫

葡萄酒自古称奇本朝平河东其釀法始入中都余昔在太原尝饮此醕有诗云孟佗爱官入骨髓为官蹙眉曾未开快遣葡萄百斛酒换取梁州刺史来归以示蔡天啓天啓答云并州在昔葡萄酒赋咏于今定防人谁记当时味外事要令吴子语超羣天后以推挽后觉为已任今死矣讽咏斯文嗟叹无斁

王子飞从国信之高丽撰鸡林志天后以诗赠行云闻君秉笔赋鸡林海怪山奇入购寻莫纪大宛多善马却令天子便甘心非特句法之端重而虑高识明絕人遠甚

米元章尝谓蔡元长后当为相慎勿志防时交蔡既大拜乃引舟入都时吴安中守宿欲留数日米谢以诗曰肉眼通神四十年侯门拖袖气如烟符离径过无行李西入皇都索相钱至国门乃用外方先状抵蔡其略云右芾辄将老眼来看太平蔡喜之寻除书学博士擢南宫外郎元章既洒落不羣而冠服多用古制张大亨嘉甫赞其像曰衣冠唐制度人物晋风流议者以为实录薛道衡聘陈为人日诗云入春才七日离家已二年南人嗤曰是底言语谁谓此虏解作诗也及云人归落鴈后思发在花前乃云名下无虚士隋炀帝善属文而不欲人出其右道衡由是获罪竟以事诛之且曰更能作空梁落燕泥否人主与臣下争能致杀之亦已甚矣此王僧防所以用拙笔书孔元宾破句读文以自全也蔡元长自成都召还过洛时陈和叔为留守文潞公以太师就第饯行于白马寺酒酣文语蔡曰观子风骨当大贵如老夫官职必作子孙爵禄过之但恐无老夫安闲之适宜深思慎处也靖康初元其言果验此老阅人多矣故先见之明若合符节元长盛时刘器之以语先子

同华人气不相下华里中有诗嘲同曰世间多少不平事却被同州看华山又云三春不识桃李面四月无莺但老鷁张芸叟出守是州取里语以己语足成二絕云世间多少不平事却被同州看华山我到左冯今几月何尝得见此山顏三春不识桃李面四月无莺但老鷁谁料浮

休痴处士下车先看牡丹花又为跋其略曰华人嘲同亦已甚矣余至是适多风霾未识仙掌面目而庭中牡丹盛开与诗语异矣岂世间事反覆颠倒皆如是耶遂为廉访摺奏之谓语涉讥讪寻降秩罢郡汉衞綰忠实无它肠上以为长者直不疑不好立名时以为长者张欧专以诚处官属以为长者彼三子虽施設不同而均不失为长者士之涉世当书诸绅以自诲云

六朝人论诗谓好诗流转如弹丸唐人谓张九龄谈论滔滔如下坡走丸虽觅句置论立法不同要之以溜亮明白为难事释氏以有转身一路者为衲僧似为此设也

江南录保大五年元日大雪上诏太弟以下登楼锡宴侍臣皆有赋咏徐铉为前后叙合为一图御容徐冲古主之太弟侍臣法部清卫周文矩主之楼阁宫殿朱澄主之曲尽其妙张彦远法书名画录颇详尽而独不及此当是此图不复流传遂泯没无闻焉

登州海崖林中有鹞能自高丽一飞度海号曰海东青唐人呼为决云儿本朝夏帅赵保忠得之以献太祖太祖却之曰朕久罢畋遊尽放鹰犬无所事此却以赐卿辽人致守边兵独在北曰强军盖以御女真也未主好田猎求海东青于女真且抽强军为从卫后求愈急强兵日削遂为女真窥伺悲夫

黄櫱字济川山谷老人犹子也年十九歲防山谷自涪归寓荆州教以诗律济川曰为学当师古吾叔源流实自杜陵即吾师也余时尚幼方防老人侍立在旁防有乞草堂诗者山谷即试之济川援笔立成曰径入小庭迂登登岂按图主人緣雅趣有客爱规模鸥与邻翁狎船從樺子呼何当迎接汝有梦隔江湖山谷大奇之既别以所用研并手校注释杜诗以遗之且铭研曰其重也可以压嶮者之累卵其坚也可以当谤者之铄金其圓也可以消非意之横逆其方也可以行立心之直方夫如是则研为子师亦为子友善友在前良规在后后三年余与济川别乃举以相赠盖传衣也呜呼济川肉烂久矣而二物悉罹于兵火念之令人鼻酸

晋蔡洪赴洛中有人问吴防旧姓何如答曰吴府君圣朝之盛佐明时之俊父朱永长理物之宏德清选之高望严仲弼九臯之鸣鹤空谷之白驹顾彦化八音之琴瑟五色之龙章张威伯歲寒之茂松幽夜之逸光陆士龙鸿鹄之徘徊悬鼓之待槌此诸君以洪笔为鋤耒以纸札为良田以墨为稼穡以义理为丰年时人以为旧姓要录隋张覽作名族人物志盖以此为祖述云古谚云大将军食饱扪腹而叹曰我不负汝左右曰将军固不负此腹此腹负将军未尝出少智慮也学士陶谷侍儿太尉党公故姬也陶一日以雪水分茶谓之曰党公解此乎对曰党公武人每遇天寒雪作时于锦帐中命歌儿度曲饮羊羔酒尔安知此乐陶怅然自失党公智识过人故为痴絕以保身因知大将军未易一槩言也

梁湘东王记录忠臣笔有三等忠孝全者以金管德行精粹者以银管文章美好者以斑竹管唐明皇初政諫无不從取章疏优长者貯于金函中日置左右时取读之惜哉使二主鉴裁趣士不戮于晚节则心腹之患何由兴

李伯时为先子作渊明归去来圖且将写赋于图上画成而右臂不举刘无言毕其事丹青字

画妙絕一时川张才叔跋其后曰渊明自刘裕盗晋后凡所著述书甲子而不书年号盖自视晋室臣也不得已退而赋归去来异时常见画渊明像者往往但作潇洒物外态今观此图大小凡十八人皆须髯奋张有英伟气李伯时当如亲见其人靖康丙午余被掠于京兆祥符寓舍画篋荡尽念之惘惘没世不斁也

有一朝士家藏古鉴自言能照二百里将以献吕穆公公曰吾面不及楮子大安用照二百里为复有献研于王荆公云呵之得水公笑而却之曰縱得一担能直防何二公之言虽类质野而清节不为物移闻者叹服寇莱公贬时杨文公在西掖既得词头有请于丁晋公公曰春秋无将汉法不道皆其罪也杨深不平之及晋公去位杨尚当制为责词曰无将之戒深着乎鲁经不道之诛难逃于汉法一时快之晋公少以文称南迁作斋僧疏云补仲山之袞虽曲尽于巧心和傳說之羹实难调于众口至南海有诗云草解忘忧忧底事花名含笑笑何人士大夫传诵服其精切而识者讥诮以为所忧所笑公心知之而不觉形于歌咏也

陶谷为学士太祖晚御便殿遽召见之将至前却者数四上曰此措大索事分顾左右取袍带来上束带已方趋而出夫君臣相遇虽赐宴间为厚礼要当有体以自闲而持重轻侮顾自处者何如耳汉高据厕见大将军不冠不见丞相良有已也

唐元舅郑光作镇河东媵御有勅封夫人田绚赞光以表谢而不受曰白屋同愁已失鳳鸣之侶朱门自乐难容乌合之人宣宗嘉之杜佑妻梁氏早卒既从嬖姬李氏有勅策为夫人崔膺劝佑让封梁氏且为表其略曰以妾为妻鲁之所禁又云岂伊身贱之时妻同勤苦而矜荣达之后妾享封荣上怜之乃并封梁氏近者公卿姬侍悉加邑号而尤者疏封大国岂惟僭越无度得毋愧于二子而为门下士者视之默默顾不慙于田崔乎山谷老人自卯角能诗送乡人赴廷试云青衫乌防芦花鞭送君直至明君前若问旧时黄庭坚谪在人间十一年至中年以后句律超妙入神于诗人有开辟之功始受知于东坡先生而名达夷夏遂有苏黄之称坡虽喜出我门下然胸中似不能平也故后之学者因生分别师坡者萃于浙右师谷者萃于江左以余观之大是云门盛于吴临济盛于楚云门老婆心切接人易与人人自得以为得法而于众中求脚根一地者百无二三焉临济棒喝分明勘辩极峻虽得法者少往往崭然见头角如徐师川余荀龙洪玉父昆弟欧阳元老皆黄门登堂入室者实自足以名家噫坡谷之道一也特立法与嗣法者不同耳彼吴人指楚人为江西之流大非公论

王荆公一日与郭功甫餽于半山宅食已忽有一僧名义了者自称诗僧投谒于公功甫大不平之曰于丞相前自称诗僧定狂夫也不必见之公曰姑见之何害因询以为诗且令即席而作僧云愿乞题并韵公欲试以寻常题目复疑其宿成偶一老卒取沙入宅公令以是为题且以汀字为韵功甫云亦愿得纸数十幅为百韵诗盖以气压之也须臾笔札至功甫挥毫如风雨将及二十幅僧徐取纸一幅以指甲染墨对功甫不敢仰视仅书一絕云茫茫黄出塞漠漠白连汀鸟去风平篆潮回日射星公赏味之因目功甫功甫乃袖所作亦复称叹僧始厉声谓功甫山僧不学殊无思致但未觉鸟飞不尽暮天碧渔歌忽防芦花风为工耳功甫殊病之竟无以报也

骆宾王未显时庸作于杭州梵天寺终日执役至夜方休因凭栏而立时月色如昼一老僧苦吟不已继以永叹因问之曰和尚何不睡去而冥搜如是僧云我作梵天寺诗止得两句云桂子月中落天香云外飘思之切至竟不能成章遂太息也宾王曰我当为汝足成之僧云尔何人而敢言诗然亦不能抑也令僧再举前句即应声曰楼观沧海日门听浙江潮僧大奇之乃知命世之人虽溷迹尘埃而胸中突兀权奇遇事辄见殆不能隐也

王介甫一夕以动静二字问诸门生诸生作答皆数百言公不然之时东坡维舟秦淮公曰俟苏轼明日来问之既至果诘前语东坡应声曰精出于动神守为静动静即精神也公击节称叹又尝问刘贡甫曰不撤姜食何也贡甫云本草姜多食则损智所以不撤姜食者是亦道非明民将以愚之之义也公初然之久之方悟其戏已也

伊阙杂志载耿平子居山间前后多天然怪石王元恭过而问曰卿安得此耿给以徙他山买得之王素痴乃竭人力终不可致叶少蕴既辞政路结屋雪川山中凡山中有石隐于土者皆穿剔表出之久之一山皆玲珑空洞日挟策其间自号石林山人悬知过耿平子之居矣而见之者未免痴绝如王元恭乃知谢幼舆本岩壑中人虽入世间未害其超诣不凡也

曾诚字存之与先子同官奏邸靖康初以少蓬召垆获再见于京师一日语垆曰余在林下二十七年仅与世绝但每知朋友厚善者长进则为之寝食有味或闻有不长进处何止作十日恶常有人谓余曰刘无言书朱冲之父碑余叹息谓让之曰虽书鲜于氏碑亦不害其为颜鲁公从之又云遂铭朱冲墓余复告之曰张曲江为牛仙客作志铭便当以曲江为不贤耶后数年有客来自南方云无言之女已嫁朱勔之子余敛衽失色云历观方册复绝前闻矣他时归语无言道号尚仍无悔乎